

Dönn Wäng

Text: R. Pütz / Musik: J. Fritz
Verlag: Manuskript

Dä Pitter hät sing Frau verhaue
Dat hammer lang jewoss
DÖNN WÄNG
Dat Liss hät singe Mann bedroore
Met däm Pötze Fuss
DÖNN WÄNG
Un weil dä Fuss
Em Schloof jän sprich
Kom dä janze Dress erus
DÖNN WÄNG

Nirjens es mer ens allein
Denn üvverall hört einer met
Üvverall wes de belusch
Wat jläuvste wohl wodran dat litt
DÖNN WÄNG

Dä Jupp dä hät e Thema
Met singem neue Schoss
DÖNN WÄNG
Dä Jupp hät jetz en Bühl am Kopp
Die Pann die wor us Joss
DÖNN WÄNG
Dröm rōf die janze Nohberschaff
Jupp schmieß dä Schoss erus
DÖNN WÄNG

Nirjens es mer ens allein
Denn üvverall hört einer met
Üvverall wees de belusch
Wat jläuvstse wohl wodran dat litt
DÖNN WÄNG
Ob de Jupp heiß oder Pitter
Dat spellt doch jar kein Roll
DÖNN WÄNG
Wenn d´r Minsch
Nit singen Fridde hät
Dann weed hä raderdoll
DÖNN WÄNG

Nirjens es mer ens allein
Üvverall hört einer met
Üvverall wees de belusch
Wat jläuvstse wohl wodran dat litt
DÖNN WÄNG